

Iyo ntera ingana na metero **15** ku binyabiziga bifite moteri itarengeje ingufu zigera kuri santimetero kibe **125**.umuguno wo hejuru w'igice kimurika cy'amatare magufi ntushobora gusumba metero 1na santimetero 20 uherye ku butaka igihe ikinyabiziga kidapakiye.

Ku binyabiziga bigomba kugira kuri buri ruhande amatare abiri magufi, isonga ry'igice kimurika uherye ku murongo ugabanya ikinyabiziga mo kabiri mu burebure bwacyo ntigishobora kujya hirya ya santimetero 40 ku isonga y'ubugari bw'ikinyabiziga.Imodoka ntishobora **kugira amatare arenze abiri magufi**.

4. Iyo ikinyabiziga gifite itara ryo gusubira inyuma, iryo tara rigomba kuba ryarakozwe kandi rigashyirwaho ku buryo ryohereza urumuri rwera cyangwa rw'umuhondo, mu ntera irenga metero 20 kandi rudahuma cyangwa ngo rubangamire abandi bayoyozzi.Igituma iryo tara ryaka kigomba kuba ku buryo ryaka gusa iyo usubira inyuma bitangiyeye.

Ingingo ya 79:

1. Itara ryo guhagarara ritukura, ridahumisha, kugaragara nijoro igihe ijuru rikeye nibura ni mu ntera ya metero 150, no ku manywa igihe cy'umucyo mu ntera nibura ya metero20.

Iyo itara ryo guhagarara riri hamwe n'itara ndanga nyuma cyangwa rifatanye naryo, rigomba kugira urumuri rubonesha cyane kurusha iryo tara rifatanye naryo.

2. Ahari hejuru cyana h'ubuso buboneka kw'itara ryo guhagarara ntishobora gusumba metero 1 na santimetero 55 uherye ku butaka, igihe ikinyabiziga kidapakiye.

3. Iyo ikinyabiziga gifite gusa itara rimwe ryo guhagarara, iryo tara rigomba gushyirwa mu murongo ugabanyije ikinyabiziga mo kabiri ku buryo bungana mu burebure bwacyo cyangwa hagati y'uwo murongo n'impembe y'ibumoso y'ubugari ntarengeye by'ikinyabiziga.

4. Itara ryo guhagarara rigomba kwaka iyo feri y'urugendo ikoreshejwe.

Ingingo ya 80:

1. Amatare ndanga cyerekazo agomba kuba agizwe n'ibintu bifashe ku rumuri rumyatsa, biringaniye ku buryo bigira umubare utari igiharwe, ku mpande z'imbere n'inyuma z'ikinyabiziga, amatare y'imbere akaba yera cyangwa umuhondo, ay'inyuma akaba atukura cyangwa asa n'icunga rihishije.Ayo matare ashobora gufatanywa n'amatare ndanga n'amatare yo guhagarara.

2. Aho amatare ndanga cyerekezo ashirwa ku kinyabiziga hagomba kuba hateye ku buryo ibyerekezo byerekanwa nayo matare bibonwa ku manywa na n'ijoro, haba imbere cyangwa inyuma h'ikinyabiziga, n'abagenzi bakeneye kumenya imigendere y'ikinyabiziga.

3. Amatare ndanga cyerekezo agomba kugaragara n'ijoro, igihe ijuru rikeye, mu ntera nibura ya metero **150** no ku manywa igihe cy'umucyo, mu ntera ya metero **20**.

4. Ahari hejuru y'itara ndanga cyerekezo ntishobora kuba aharenze metero imwe na santimetero 90 hejuru y'ubutaka igihe ikinyabiziga kidapakiye.

5. Imikorere y'imyatsa igomba kuba inshuro **90** mu munota, hashobora kwiyongeraho cyangwa kugabanukaho inshuro zimyatsa 30.

Ingingo ya 81:

Itara ribonesha icyapa kiranga nimeru rigomba kuba ryera, kandi n'ijoro, igihe ijuru rikeye rigomba gutuma izo numero zisomerwa muri metero 20 nibura inyuma y'ikinyabiziga iyo gihagaze

Iryo tara ntirishobora kwohereza inyuma y'ikinyabiziga urumuri ruturutse mu isoko yarwo.